



www.khiv.ru/pressa

АКУ ХЯД

Светлая звезда

Хив райондин жямаятдинна сиясатдин газет

№ 18(5576)

6-ни май, 2019-ни йис

Газет гяфтаийг сабан удубчѳура

Кыमत 3 манатна 68 кепек



Райондин
администрацияийг

Райадминистрацияийн совещаниеийн гьякнаан мялумат

29 – пи апрелий райадминистрацияийн конференц – залиг райадминистрацияийн нубатнан совещание кѳули гѳушну. Дидин ляхний райадминистрацияийн отделарин, райцентрийн али идарийрин, тешкилатарин руководителари иштирак гѳапну.

Совещание райадминистрацияийн глава Я. Ярметовди ачмиш гѳапну ва кѳулира гѳубхну.

Совещаниеийн гѳулуху райадминистрацияийн главийн заместитель А. Гамзабековди кѳайд гѳаплиганси, райондигъ газовой ва электрический сетарин инвентаризация тамамвалиинди ккудубкна. Инвентаризация гѳабхурайган мялум гѳабхыганси, 26 эйси хѳтру сетар а, 20 километрийн манзилнагъ межевой ляхнар кѳули духна. Межевой ляхнар кадастровый учетназ гѳадагъбан бадали заявка 29 – пи апрелигъ тувру. Электрический сетар инвентаризация аплурган эйси хѳтру 5 трансформатор айвал мялум гѳабхыну.

Агамирзе Шабановичди гѳацира агъалйири ишлетмиш аплурайи штун марцциваликанна, турбийр, водоомер ремонт дапну ккундайиваликанна гѳапну.

Финансарин ва налогогарин отделин начальникдин заместитель Г. Адиловди райондин бюджетдиз налогар гѳубан ццйин юкѳуб валзин план 26 – пи апрелигъбан 90 процентдин тамам дапнайиваликан, хѳа апрелин ахиризкѳан думу план 100 процентдин тамам аплѳуб мумкин вуйиваликан, налогар уч аплбан бадали чпи тѳялѳу вуйи идарийрихѳди кѳат'и ляхин гѳабхурайиваликан гѳапну.

ЦРБ – йин кѳулин духтрин заместитель А. Нурмагомедовди «Земский доктор» кѳуру программийн бинайинди ЦРБ – йиз 5 духтир, хѳа вари сабишвлан 9 тухтир кѳабул дапнайиваликан, «сельсовет Ашага – Архитский» гѳулан поселениеийн глава Р. Рустамхановди чпин администрацияийн дахил шулайи гѳуларигъ зирзибил лазим йишваприхѳна уч аплбан, гѳуларигъ марццишин уѳхбан месѳлийрикан гѳапну.

РОО – йин начальник К. Казиевди мектебаригъ ачмиш аплурайи медицинский кабинетар ва школьный автобусар лицензироват аплурайи агъвалатнакан, 15 – пи майгъ ЕГЭ – йиан пробный экзамен кѳули гѳабхруваликан, ГИА кѳули гѳабхру пункт гѳязур аплурайи гѳялнан кан ктитну.

Ветуправлениеийн начальник Э. Мисрихановди чпин работнигарин мал – кѳара гѳуларин участокархѳна кѳуч аплбан бадали кѳат'и вуйи серенжемар кѳабул аплурайиваликан гѳапну.

«село Хив» гѳулан администрацияийн глава Н. Агасиевай багарихѳди Хиварин гѳулан бѳзи кѳючийрин гѳирагъарихѳ ливневый латкийр (члурхмар) кививруваликан, гѳулагъ марццишин уѳхбан, штун анализар аплбан, маларихѳна гѳягѳуру габнар агбан бадали кѳули гѳабхурайи ляхнариканд гѳапну.

Совещаниеийн гѳацира ЖКХ – йин, архитектураийн ва тикилишчиалин отделин начальник О. Ахмедов, РОО – йин кѳулин бухгалтер И. Исинов, экономикаийн, бици предпринимательство артмиш аплбан ва имущественный аѳлакыйрин отделин начальник Г. Рамазанов, ПФР – ин Дагѳустандин отделин Хив райондигъ айи делениеийн начальник Г. Асваров ва жара юлдшар гѳулуху. Дурари чпи кѳули гѳабхурайи ляхнариканд информацияийн тувну.

Совещаниеийн Я. Ярметовди бѳзи руководителари улѳубкнайи гѳяфтаийг дапну ккуни ляхнариканд гѳапну.

Пресс – центр.

«Хивский район» МО – йин администрацияийн коллегияийн заседаниеийн гѳякнаан мялумат

Райадминистрацияийн конференц – залиг 2019 – пи йисан 26 – пи апрелигъ «Хивский район» МО – йин администрацияийн коллегияийн заседание гѳабхыну. Дидин ляхний муниципальный райондин гѳуларин поселениеийн плавйирира иштирак гѳапну.

Заседание «Хивский район» МО – йин администрацияийн глава Я. Ярметовди ачмиш гѳапну ва кѳулира гѳубхну.

Заседаниеийн исихѳ хѳайи месѳлийр гѳял гѳапну:

1. Хив райондин администрацияийн ляхник кайи яшар тамам дархѳидарин ихтиярар уѳрху комиссияийн яшар тамам дархѳидарин ихтиярар члур дарапбан ва дурариин юзчивал гѳабхбан бадали кѳули гѳабхурайи ляхнариканд.

2. «Хивский район» МО – йи ляхник кайи РД – йин агъалйири социальный рѳак'ан аплурайи гѳуллѳугариканд.

Сабли месѳлайиан яшар тамам дархѳидарин ва дурарин ихтиярар уѳрху комиссияийн вѳдуийн пишекар Ф.

Антитеррористический комиссияийн заседание

26 – пи апрелигъ райадминистрацияийн конференц – залиг «Хивский район» МО – йи ляхник кайи антитеррористический комиссияийн заседание гѳабхыну.

Заседание «Хивский район» МО – йин администрацияийн глава – антитеррористический комиссияийн председатель Я. Ярметовди ачмиш гѳапну ва кѳулира гѳубхну.

Заседаниеийн исихѳ хѳайи месѳлийригъ гѳилинѳу:

1. Майин машквариз тѳялѳу вуйи общественно - политический, спортивный ва жара серенжемар гѳахѳу гѳязур шу ва дурар кѳули гѳабху йигъари инсанарин хатласузал ва террористический гѳяракатарихѳан уѳрхувал тѳмин аплбан тешкиллѳувалин серенжемарин комплекс дѳозмиш аплбан гѳякнаан.

2. РФ – йи 2019 – пи - 2023 йисари терроризмийн идеологияийн аѳксивал гѳабхбан комплексный пландин серенжемар кѳули гѳабхбан.

3. Муниципальный райондин ерли самоуправлениеийн органари терроризмийн идеологияийн аѳксиди кѳули гѳабхурайи ляхнариканд, думу ляхин имѳубсан ужу аплбаканд.

Заседаниеийн али кѳюбиб месѳлайианна Россияийн МВД – йин Хив райондин отделин начальник К. Рамазановди докладар гѳапну.

Заседаниеийн гѳял гѳапну месѳлийриан тѳялѳу вуйи кѳарарар кѳабул гѳапну.

Пресс – центр.

ГИА гѳабхбахѳди аѳлакѳалу совещание

Райондин образованиеийн отдели 23 – пи апрелигъ райадминистрацияийн актовый залиг райондин мектебарин директорарихѳди, ГИА кѳули гѳабхбан жавабдар ксарихѳди, ППЭ – йин тешкилатчирихѳди совещание кѳули гѳубхну.

Совещаниеийн эвелигъ гѳулуху «Хивский район» МО – йин администрацияийн глава Я. Ярметовди райондигъ ГИА уѳуб тешкиллѳувал ади, канундигъ улупнайи ва экзаменар тѳвбан кѳайдийрин дѳозди аѳмал аплури хатласузал уѳхѳори, кѳули дѳубхну ккуниваликан, ГИА кѳули гѳабхбан ляхнин гѳозчивал гѳабхрудар муганайитлан кѳюб ражари гизаѳ шуваликан, экзаменаригъ чиб дѳоз дарди кѳули гѳуху выпускнигар аттестатарихѳан мягѳрум хѳуб мумкин вуйиваликан гѳапну.

Совещаниеийн гѳулуху РОО – йин начальник К. Казиевди, ГИА кѳули гѳабхбан рѳак'ан жавабдар кас вуйи Ф. Абдулгъазиевди ва ГИА кѳули гѳабхбан рѳак'ан технический пишекар С. Рамазановди райондигъ ГИА гѳабхбахѳди аѳлакѳалу вуйи вѳажибул месѳлийрикан гѳапну.

К. Казиевди кѳайд гѳаплиганси, цци райондигъ вари сабишвлан гѳадагъган 146 выпускник ЕГЭ – йихѳна, хѳа 234 выпускник ОГЭ – йихѳна дѳетна.

Пресс – центр.

Гъалибвалин паркдиъ – митинг

2019 – пи йисан 26 – пи апрели Хиварин гъулан Гъалибвалин паркдиъ Ватандин Ахью дяддин иштиракчийрин гъорамтнаан дивнайи «Лизи къарнийир «Ктуру мемориальный комплексиди 1941 – 1945 – пи йисари Ватандин Ахью деври иштирак гъахьидар къаина хулаз бахш вуйи «Вахта памяти» ва «Георгиевская ленточка» ктуру акцир ачмиш апбаз тялукъ вуйи митинг клуи гъубшну. Дина мухрарик георгиевский лентарра кади, хиларик кюкирра ади райцентрийн али идарийрин, тешилатарин, кархайрин руководителар, гъуллугъчийр, школьникар, мялимар, гъулан агъалийр уч духънайи.



Митинг ачмиш аплайиз улихна Хиварин гъулан М. Шамхаловдин ччурнахъ хъайи мектебди урхурайи баяр – шубари Ватандин Ахью дядди, дяддин йисариз шаирари бахш дапнайи ширар гъурхну.

Митинг ачмиш аплури, «Хивский район» МО – йин администрацийн глава Я. Ярметовди гъапну: «Багъа вуйи дустар, гъи вари ихъ улькейи Ватандин Ахью деври гъалибвал гъазанмиш гъапкъанмина 74 йис тамам хъулаз тялукъ вуйи серенжемар клуи гъахуз хъогъра. Гъи ихъ райондиъра «Георгиевская ленточка», «Вахта памяти» ктуру акцир башламиш аплура. Гъаму серенжемар Ватандин Ахью дядди талаф гъашидар саб дакъикъайи ккебежну дийгъоинди къаина хулпан башламиш аплукъ теклиф аплураза».

Ватандин Ахью дядди талаф гъахьидар саб дакъикъайи ккебежну дийгъоинди къаина хулпан къяляхъ, школьникар дяддин йисарикан вуйи ширар урхувал, дяддин зулмарикан ктибувал давам апбидинди митинг ахирихъна гъафну.

Р. Балабеков.

Дюн`яйин чемпионди хъди гъорюш

2019 – пи йисан 27 – пи апрели райондин спортный мектебдин залиъ смешанный единоборствийриан дюн`яйин чемпионвал гъазанмиш дапнайи ихъ элугъли, учв ин ччур Ярглиарин гъул`ан вуйи ва гъамусаятна Дербент шагъриъ яшамаш шулайи Рустам Керимовди хъди гъорюш клуи гъубшну. Спортный залиъ му мектебдин спортменар, Хиварин ва гъунчи гъуларин агъалийр уч духънайи.

Чемпионди хъди вуйи гъорюш ачмиш аплури, «Хивский район» МО – йин глава Ярметовди гъапну: «Гъамусдин хайрар ишри, гъорятлу дустар! Гъи ихъ районди ихъ элугъли, чан ери – бина Ярглиарин гъул`ан вуйи Рустам Керимов къаршуламиш аплувал ухъу бадали ахью гъорят, заанвал ву. Мумкин ву, дугъан женгар учвуз варидариз дяркънашувузу. Дугъан спортный женгариз гъарган лигури шула. Думу гъич саб женгъарра магълуб гъашир дар. Му ахью хъуркьувал ву. Гъелбетки, гъаму хъуркьуваларихъна думу ахью зегъметар зигбан, спортный и зарий гизаф амкар идипбан натижайи дурхайи ву.

Багарихъди Санкт – Петербург шагъриъ дугъан смешанный единоборствийриан дюн`яйин чемпион гъахъну. Спортдин машгъл хълан рякъю учвуз думу лайикълу чешне ву...».

Хъасин спортсменарин улихъ улхбан бадали Рустам Керимовди гъаф тувну. «Ассалам алейкум, – гъапну дугъу, – ииз уьрин спортный рякъ гъамлин ккебгъуб ву. Спортдин машгъл хъуз, заан хъуркьувалар гъазанмиш аплуз вари мумкинвалар ачвуз, вари учван – учв чалимиш валарилан асиллу ву. Саки саб ваз мидиз улихъна Санкт – Петербурди клуи гъушу читин соревнованийри иштирак гъапнуза ва гъалибра гъахъуну. Сари – сарин тереф уьхори, сари – сариз кюмекар туври, ухъхъан ахью хъуркьуваларихъна гъагъюзу шулу.

Ихъ райондиъра заан хъуркьувалар гъазанмиш дапнайи спортсменар гизаф а.

Учвур дурарилан чешне гъадабгъну, ижмишнаан спортдин машгъл хъуб лазим ву...».

Гъорюшдин гъулху райондин спортный мектебдин директор Гъажирамазан Мазовди Рустам Керимовди клуи гъушу женгарикан ктигну, думу зегъметнийи юкъл али спортсменар вуйваликан ва мицисдар ксарилан чешне гъадабгъувал лазим вуйваликан гъапну.

Хъасин Рустам Керимовди райондин спортный мектебдин спортсменариз юкъяр дисбаан жорбежор приеьмар улупну.

Чемпионди хъди гъорюш райодин стадиондин давам гъахъну. Дина чемпионди хъди вуйи гъорюшди Хиварин гъулан М. Шамхаловдин ччурнахъ хъайи мектебди урхурайидар, мялимар, спортсменар уч духънайи.

Душ`ина уч духънайидариз райадминистрацийн глава Ярметовди Рустам Керимовди спортный рякъю гъазанмиш дапнайи хъуркьуваларикан ктигну ва дугъахъ жележдиъра гъарсаб ляхниъ заан хъуркьувалар хъуб ккун гъапну ва райадминистрацийн терефнаан дугъаз райондин халачайири дурхайи къюб халачи пешкеш гъапну.

Мувш`ин гъулху Рустам Керимовди райадминистрацийн главайиз, учв шад гъялари къаршуламиш гъапну ва чан адресназ тебрикан гафар гъапи варидариз чухсагъл гъапну.

Хъасин стадиондин райондин культурно – досуговый центрийн гъуллугъчийри муьмар гъивну, мяльийр гъапну, чемпионди хъди сатлиди физзарядкайин жорбежор нумрийр тамам гъапну.

Гъорюшдин ахиреи спортсменари ва стадиондиана уч духънайидари чемпионди хъди шиклар гъивну.

Р. Балабеков.



Йигъандин учру месэлийр Къваълан гъархархъа бабан члал

Дадайи фону члалниинди гафар аплури гъахъиш, гъадму члал аплуру, члалниина гъорайи бицири. Члаларихъди варитлан девлетлу Ватан Дагъустан ву. Дагъустандиъ 42 члалниинди гафар аплуру миллетар а. Гъаму 42 члалнакан 25 члал инсанарин арайиан дургру ишварихъна багахъ шула. Гафаринди клурайиб ву, эгер бабан члалниинди 100 агъзуз касдикан гафар аплураш, члал дубгдар клури.

Дагъустандин вари миллетарин бабан члалниинди гафар аплурадари къадар йигъан йигъаз члал шула. Ахью миллетариз члал хъувал артухъ кижигури адар, хъа 100 агъзурилан исина аии миллетариз бабан члалниинди гафар аплурадари члал шуваликан, члал дубгбахъна шула дупну гуч а. Дюн`яйи аии вари члаларикан гъарсар касдиз варитлан ширинуб бабан члал ву. Бабан члал гъархуб, гъюзимбу наслариз бабан члал гъархуз гъитуб, гъарсар члал ахъю касдин ва члалан эйси вуйи миллетдин ахью вуйи усалвалик гъисаб аплуз шулу.

Ухъу вари бабан члалниинди гафар аплури саб ийш`ин дуланмиш шулайиган, члалназ артухъ фикир тувдархъа, хъа жара улькейи, жара члалниинди гафар аплурадари арайиъ ахъиган, дурари аплурайи члалан гъаври даршлуган ва дурарин арайиъ сар кас вуйи члалниинди гафар аплуру ашкар гъашиган, къваз рягъят шулу, бабан члалниинди гафар аплуру инсан дихъбин.

Фуькан члалар гизаф ахъгъаш, гъадмуькан инсандин заанвал ву, хъа

ахъю къюб члалнакан сануб гъархуз гъитуб – гъисаб алинай фукъан усалвал вуш.

Гъамусдин вахтна, зат дардиси лазим ву бабан члалниинди ляхин аплукъ. Сабли классидан хъюгъну, бицидари урус члалниинди гафар аплура. Ихъ члалнакан дарсар члал гъахъну. Дарсарийра, члална удучлганра ва гъамсана хулаъра, думу члалниинди урхубра, улхубра биклбра дурариз рягъятди алабхъура, гъаз гъапиш бабан члалнакан къюб урхубанна биклбан дарсар ктарди, имбу дарсар урус члалниинди киврайидар ву. Гъамусдин вахтари, урус члал, ккундушра – ккундашра, бицириъ телевизориъна ахъю шулайиб ву.

Бабан члал ахъю аплуз гизаф читинди алабхъуру, эгер мектебди мялимари, хулаъ абийр – бабари члалниинди, бицириъ члал ахъю албийн ляхин дурохъиш.

Хайлин абийр – бабари бицириъ хулаъ урус члалниинди гафар аплуру.

Гизаф лазим ву, бицидари члал ахъю аплуз кюмекар туву.

Мектебди мялимари ахъю аплуру дупну, сикин духъну ккундар. Бицирикан шулайиру ву ахъю, хъа ахъю бабан члал ахъгъарди ахъю гъахъиш, хъадгъвалан тина вуйи насларра члал ахъгъардуар хъуз мумкин ву.

Гъази, яваш – явашди, члал дубгвалихъна багахъ шулу. Ихъ дюн`яйи гъацдар члалар а, сар каскъан думу члалниинди гафар аплуз шулу инсан имдру. XX – пи аьсриъ

Россияйи шубуб пайнакан къюб пай члалар гъудургну. Думу члаларинди гафар аплуру инсан имдар, дурар жара члаларин эйсир гъахъну.

Гъийин вахтари Дагъустандиъ бабан члалназ артухъ фикир тувра. Гъарсаб гъулаъ, гъарсаб хулаъ бабан члал къваълан гъадрабхъин, думу члалнакан урус члал даралбийн ляхин дубхъну ккунду. 1980 – пи йисари, Дербент шагъриъ, табасаран жигъилари, фурс вуйич клури, варидар азербайжан члалниинди гафар аплури гъахъну. Гъадму жуван члал, тмуну члалтан исина апбак гъисаб шула. Гъамусдин вахтна, ихъ жигъилари, саб ийш`ина гъварч гъашиган, сар каскъан жара члал аплуру арайиъ адаршра, урус члалниинди гафар аплуру. Сасдари, къюб ромка ички гъужси, бабан члал урус члалназ илтибклуру.

Лгай жуван члал фтихъ масу тувраш!

Бабан члалнакан, бабан члална урус члал гъибикъуб дубхъна. Урус члалнакан гафар гъядарди, бабан члалниинди гафар аплуз 100 касдикан 5 касдикъанра шули имдар. Гъийин йигъан думу члалназ гъорят адрувалик гъисаб аплуз шула.

Гъюрматлу ватанагълийир, гъачай му ляхин зарафатариз илтибдархъа!

Хал ужуз шибритилан ккедребгъиш, – рабгъуру. Ихъ члаларин шибритлар, члур аплуз хъюгъна. Фикир алинай!

Махмудбег Казимагомедов.

Бабан члал

Ширин вуйи йиз бабан члал, Аплуз шулар дидиз кучлал. Дюзмиш аплуз хъюгъиш саб гаф,

Дюз шулу дидин гъарсаб гъарф. Йиз члал вуйиз вартлан гужлиб, Ширин гафар гизаф айиб. Ихъ дюн`яйи къюби ийш`ин, Алб вуйиз йиз члал ширин. Му члалниинди аплу гафар, Багъри шулу сануриз – сар. Шулу хъа ктуру сатлиди шад, Ихъ Ватандин аплури ад. Ярхла Ватанди алахъиш, Табасаран вуза гъапиш, Юкъв шад шулу гъапган гафар. Ктикъури йиз члалнакан гъарфар. Йиз багъри члал вузуз ширин. Шад вуза думу ахъгъор`ин. Магъаранай думу къваълан, Члал ахъгъдурр шул хътурурси

Ватан. Ихъ халкъдин игит инсанар, Му члал`инди гъапдар гафар – Гъушну аку дюн`яйилан, Гъадрадрхди члал Члал бабан. Икрам алинай абийриъ, Ватан гъюбю игитариз. Фици гъушнуш ухъхан дустар, Гъачи ватанди авам вахтар. Ихъ члалниинди гъерхан увъхан, Чара мапан гъагъоз багъхан. Саб гаф ихъ члал, хъа къюб урус, Улхури уву мапан фурс.

Махмудбег Казимагомедов.

Международный конкурсдиъ - кьюбпи йишв

Ляхлаариъ гьулан кьялан уьмуми образованиейин мектебдин 11 – пи классдин ученик Замир Раджабовди «Пусть слово доброе душу разбудит» чьвур али международный яратмиш апибарин конкурсдин «Поэзия» кьур номинацияиъ кьюбпи йишв гьибисну. Конкурсдиъ думу Ляхлаарин гьулан мектебдин урус чаллан ва литературайин мялим Кюребег Мурсаловдин режьберваликкди гьазур гьахьну.

Къайд аплуб лазим вуки, конкурс бицину Ильман Алипулатовдин чьвурнахъ хъайи «Подарим детям завтра» чьвур али мяргьяматлуваллин фондди республикаийин образованиейин ва илимдин министерствойихъди, литературайин ва урус чаллан мялимарин Всероссийский Ассоциацияиъди, Дагьустандин мялимарин Ассоциацияиъди, гизаф чалларин ва межкультурной коммуникацияиъди международный методсоветдихъди, Казанский (Приволжский) Федеральный университетдихъди, ДГУНХ – дихъди, «Орленок Дагестана», «Гчитель Дагестана» газетарин редакцияиъди, Германияиъди «Resonanz» журнальихъди сатиди тешикл дапнаиб вуйи.

Аьдатнанубдиъ илтйибкнаи думу конкурсдиъ Россияиън 38 субъектдиан ва 5 харижи уьлкейиан, чпин яшар 7 йислан 25 йис инакьан вуйи 1,3 агъзур касди иштирак гьалпу.

Конкурсантари жюрбежур номинацияриан чпин удукьувалар ва агьювалар улупну.

Конкурсдин натижириан гьар йисан конкурсдин гьалибчириан ва призераин литературный эсерар кади «Пусть слово доброе душу разбудит» кьур сборник адабгьура».

Замир Раджабовдиъ диплом ва зиихъ улупнаиъ сборник тувну. Дугьу яратмиш гьалпу эсерра гьадму сборникдиъ ка.

Замир Раджабовдиъ му гьалибвал мубарак аплурхъа ва гележегдин уьмриъна дугьахъ ахью хьуркьувалар хьуб ккун аплурхъа.

Пресс – центр.

ПРОГРАММА ПЕРЕДАЧ ХИВСКОГО ТЕЛЕВИДЕНИЯ	
ПОНЕДЕЛЬНИК 6.05.2019	
18-00	Совещание у главы района (6+)
19-30	Концерт по вашим заявкам. (12+)
20-00	Время телесериала. (12+)
19-30	20-30, 21-20 Реклама. (12+)
ВТОРНИК 7.05.2019	
18-00	Райновости (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
СРЕДА 8.05.2019	
18-00	Конкурс "Мы дружной единой сильны"
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
ЧЕТВЕРГ 9.05.2019	
18-00	Торжества, посвященные 174-ой годовщине Победы в ВОВ
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)

УЧРЕДИТЕЛЬ:
администрация
муниципального
образования «Хивский
район».
Ответственный за выпуск
- Р.К. Балабеков.
Главный редактор -
А.А. Агадашова.

Газета зарегистрирована
Управлением Федеральной
службы по надзору в сфере
связи, информационных тех-
нологий и массовых комму-
никаций по Республике
Дагестан. Регистрационный
номер ПИ №ТУ05-00313 от
12 мая 2015г.

Авторы несут ответствен-
ность за достоверность
представленных для публи-
кации материалов
Рукописи не рецензируются и
не возвращаются
Индекс газеты: 51374
Тел: 8-909-483-20-27

Газета набрана и сверстана на
компьютерной базе МБУ «Пресс-
центр МО «Хивский район» и
отпечатана в типографии № 3. г.
Дербента Республики Дагестан,
ул.С.Курбанова, 25.

Адрес редакции и издателя: 368680,
Хивский район, сел. Хив, ул. Советская,
8, МБУ «Пресс-центр МО «Хивский
район».
Срок подписания в печать -
30.04.2019г.-17:00 ч.
Пописано в печать -
30.04.2019г.-13:45 ч..
Тираж 480
Заказ №

- Мектебарин хабар -

Гележегдин гьайгьушнаъ

Мектебдиъ агьювалариинди урхурайр гьисаб аплуз шулу, гьюзимбу уьмриъ ужудар хьуркьувалар айи инсан шулу дупну. Ктабгьурайи пишекарвал фуькан читинбу вуж, гьадмукьан дидихьна агьювалар заандар ади ккунду, хъа заан агьювалар гьадагьуз шлудар, гьарсаб мектебдиъ, хил ин али тьубариинди ктхуз шулу.

Программийр читин хьлахъди, мектебарь ужудар агьювалар айи урхурайидар гизаф кьит гьахьну. Пуз шулу, аьхиримжи йисари, ЕГЭ гьаббан марцивалихъди, «юкьбариз» урхурайидарин кьадар артухъ гьабхьну.

Фици вушра, гьи ухьу улхурхъа, гьаму читин программийринди зат саб «юкьбра» адарди, вари «хьубариз» мектеб ккудубкьуз шулайидаркан.

Гьацдар дирбаш живанарикан вуди гьисаб аплуз шулу Хрижв гьулан мектебдиъ урхурайи Муртазаалиев Роберт Абдуллахович.

Робертди 2008 – пи йисан мектебдиъ урхуз дупну сабпи гамар алдагьну. Сабпи классдиъ, сарпи малим вуди Заира Надимбековнаи Роберт чяхна кьабул гьалпу. Кьулиан хьогьну, Заира Надимбековнаи тувуз хьогьно агьювалар Робертди лап рягьятди дисуз хьогьну. Мектеб дугьаз ккун гьабхьну ва чан гафаринди, ахью аьшкьинди дина гьагьюри гьахьну.

Сабпи классдиан гьадабгьну, гьийин

йигъакьан Робертдин шикли, «Доска почетайи» чан йишв дьибисна.

- Увухъди урхурайидарихъди, яв мялимарихъди аьлакьайр фицдар вуьв? – гьалиган, - Робертди жаваб тувну: - Гьич сабанра йиз юдшарихъди, иллагьки йиз мялимарихъди аьлакьайр чьур гьабшар дараъ, араийи гьюрьмат ади, саринра хатур ккидрибти мектеб ккудубкьураза. Гьарган, чяхан шлуси, бици классариъ урхурайидаризра кюмекар тувраза, - кьури тасдикь аплур.

Магьа аьхиримжи урхбан йис аьхирихъна гьюра. Багахъ шула аьхиримжи зенг йивру вахт. Му зенг мектебдиъ гьар йисан йивурайиб ву, аммаки гьарсар касдин уьмриъ думу вахт сабантан алабхьурайиб дар.

Гьамус Робертди чан улхь, вари экзаменар «хьубариз» тувну, хьасин университетдик кучьну, чан адашиси, хулар, жара жорейин дараматар дивру пишекар хьупан ният дивра.

Чан уьмриъ хьуркьувалар, саб шахра адарди, асилпу вуйиз кьура, чан хизандин чяхна вуйи манивалан ва мялимарин, гьамсана чяхъди урхурайидарин чяхна вуйи ккунивалиан.

Уьмрин шибритл Робертди гизаф гьадмиб гьалпу.

Ккун аплурхъа, дугьаз чан кьваъ айи метлебар кьулиз удучьуб, шибритлиан зинди вуйи гележег хъана заан хьуркьувалар айииб шуб.

Махмудбег Казимагомедов.

Цийи хьуркьувалар ва рягьятвалар

Гьич саб вахтнара дарши, варитлан ахью уж валик ва хьуркьувалик гьисаб аплуз шулу, кьюри бицир гьашиган дадайиз турвайи «капитал». Кюгне вахтари, гьюкуматдин терефнаан, мициб уж вал йицихьур бицир гьалпу дадайизкан гьабкьоб дар. Ухьухъ хъанара гизаф жара ужудар дигиш валар гьалпу:

-гьарсаб гьагьятдиъ саб, кьюб машин гьахьну;
-ахьюну пай инсанарин иплуб-ухуб ужуб гьахьну;

-алабхьру палатдихъди кюгне вахтаритлан ужуйи тямин гьахьну;

-яшнаъ айи пенсионерариз, яхян аплурайи жиьиларизитлан пул гизаф тувуз хьогьну;

-туканар гизаф гьахьну ва ккуни жорейин шей гьахьну;

-зат адру ва районариъ саб вахтнара дарши стройматериаларин базир гьахьну;

-циийиди аплурайи хулар лап учьвудар дивуз хьогьну;

-хайлин гьуларизкан рякьар асфальтироват гьалпу;

-гьулариз газ гьизигну;

-мектебарь бицидариз иплуб тувуз хьогьну;

-хайлидарин хуларь штар гьахьну, яни латакна душну шид хурадар, хулаз дизигна;

-гизафци инсанари хуларь отопленийр гьизигну, гулаькьан адру, жан жибкьу гьамамар гьахьну;

-гьарсаб гьулан шагьрариз гьагьгьру бици автобусар гьахьну;

-шагьрарь базарар гизаф гьахьну;

-гьарсарин жибдиъ телефон гьахьну, интернетар гьахьну, зат дарши телевизорар гьахьну;

-дуланмиш шулайи жигагьарь евроремонтар гьахьну;

-укл убшвру дергсарин ерина варидариз косилкьир гьахьну;

-эплар аплуб тюкер йитгьаз илбичну, гьарсаб гьулаъ тюкер йитгьру прессар гьахьну;

-хупариз ужуб девир гьахьну, гьалвар, халачийр урхувал ккунду, кьал ин гьагь иливуб ккунду, дишаргийиз артухъ аплур яхян имдар;

-дуланмиш шуз варишарихъанди рягьятвалар артухъ гьахьну.

Фици гьарсаб вахтнаъ чан усалвалар аш, гьацци гьарсаб вахтнаъ чан хьуркьувалар ва рягьятваларра шулу.

Махмудбег Казимагомедов.

Погода на неделю

	6 мая		7 мая		8 мая		9 мая		10 мая		11 мая		12 мая	
	ночь	день	ночь	день	ночь	день	ночь	день	ночь	день	ночь	день	ночь	день
Облачность														
Осадки														
Атмосферное давление, мм рт.ст.	681	683	678	682	676	678	673	675	672	673	673	674	670	672
Температура воздуха, С	+7	+19	+12	+20	+11	+22	+10	+25	+9	+17	+8	+14	+8	+14
Влажность воздуха, %	64	65	72	75	64	67	57	61	80	83	71	74	73	76
Ветер м/с	В	В	В	В	З	З	З	З	Ю-В	Ю-В	Ю-З	Ю-З	Ю-З	Ю-З
	1	2	2	2	1	3	2	3	1	1	1	1	1	1

УЧРЕДИТЕЛЬ:
администрация
муниципального
образования «Хивский
район».
Ответственный за выпуск
- Р.К. Балабеков.
Главный редактор -
А.А. Агадашова.

Газета зарегистрирована
Управлением Федеральной
службы по надзору в сфере
связи, информационных тех-
нологий и массовых комму-
никаций по Республике
Дагестан. Регистрационный
номер ПИ №ТУ05-00313 от
12 мая 2015г.

Авторы несут ответствен-
ность за достоверность
представленных для публи-
кации материалов
Рукописи не рецензируются и
не возвращаются
Индекс газеты: 51374
Тел: 8-909-483-20-27

Газета набрана и сверстана на
компьютерной базе МБУ «Пресс-
центр МО «Хивский район» и
отпечатана в типографии № 3. г.
Дербента Республики Дагестан,
ул.С.Курбанова, 25.

Адрес редакции и издателя: 368680,
Хивский район, сел. Хив, ул. Советская,
8, МБУ «Пресс-центр МО «Хивский
район».
Срок подписания в печать -
30.04.2019г.-17:00 ч.
Пописано в печать -
30.04.2019г.-13:45 ч..
Тираж 480
Заказ №

12+